

STYRESAK

GÅR TIL: Styremedlemmer
FØRETAK: Helse Førde HF

DATO: 22.08.2018
SAKSHANDSAMAR: Arne Skjelten
SAKA GJELD: **Bierverv i Helse Førde - status**

ARKIVSAK: 2015/481
STYRESAK: **066/2018**

STYREMØTE: **05.09.2018**

Framlegg til vedtak

Styret tar administrerende direktør sin informasjon til vitande.

Bakgrunn for saka

Våren 2015 vart det gjennomført internrevisjon av arbeidet med bierverv i føretaka i Helse Vest i samsvar med vedtatt revisjonsplan.

Hovudkonklusjonen frå revisjonen var at Helse Vest har retningslinjer og system for praktisering av regelverk for bierverv, men at intensjonen om å ha eit system for registrering som sikrar ei fullstendig, gjennomsiktig og lik behandling av bierverv ikkje var realisert. Internrevisjonen anbefalte 9 tiltak for oppfølging i føretaka.

Internrevisjonsrapporten, og tilrådde tiltak for oppfølging i føretaka, vart handsama i styret i Helse Vest RHF, sak 086/15 og i styra i føretaka i Helse Vest.

Styret i Helse Førde HF slutta seg til føreslått oppfølging av revisjon bierverv i sak 055-2015A. Føretaket har etter dette innlemma tiltaka i arbeidet med bierverv.

Riksrevisjonen starta i august 2016 ei undersøking av helseføretaka si handtering av bierverv, gjeldande etiske retningslinjer og retningslinjer for bierverv. I januar 2017 vart undersøkinga følgd opp med ytterligare spørsmål knytt til retningslinjene, søknadsprosessen, registera og korleis dei vert nytta og vurdering av risiko. Førespurnaden frå Riksrevisjonen er svart på. Føretaket har ikkje motteke tilbakemelding frå Riksrevisjonen etter dette.

Oversikt bierverv i føretaket

Helse Førde HF sendte våren 2017 ut rapport til klinikkdirektørar om søkte/melde bierverv ved alle einingar i føretaket, med spørsmål om dette gav eit rett bilde av status for bierverv ved den aktuelle eininga.

I tillegg bad vi klinikkdirektørane oppmode om at dersom nokon ikkje hadde søkt om bierverv, så vart det gjort, samt minna om å ta opp bierverv i medarbeidarsamtale.

Bierverv er og lagt inn som emne i førebuing til medarbeidarsamtale i kompetanseportalen. Sidan det for dei fleste ikkje er krav om gjennomføring av medarbeidarsamtale oftare enn annakvart år, vil mest truleg effekten av dette ikkje kome til syne før etter ei stund.

Etter utsending av rapportar i fjor, med påfølgande påminning frå leiarane, har talet på medarbeidarar som har meldt bierverv auka noko.

Frå uttak rapport/sak i styret 2017 til ny rapport august 2018 har det kome til følgjande nye søknader om bierverv i kvar klinikk:

- Kirurgisk klinikk - 14 nye søknader om bierverv frå 13 tilsette
- Medisinsk klinikk - 4 nye søknader om bierverv frå 3 tilsette
- Psykisk helsevern - 2 nye søknader om bierverv frå 2 tilsette
- Stab og støtte – 6 nye søknader om bierverv frå 6 tilsette

I same periode har nokre bierverv gått ut (godkjeningsperioden er passert – søknadsperioden er ikkje utvida).

Per i dag er det 62 medarbeidarar som har registrert bierverv. Samla er det meldt 70 bierverv. Det er ikkje gjort endringar i retningsliner eller praksis for handtering av bierverv.

Meldingar frå arbeidstakar i meldings- og sakshandsamingssystemet gir ikkje eit godt nok grunnlag for kategorisering av bierverva i alle høve.

Under følgjer oversikt over dei ulike grupperingane (aktive) søknader om bierverv (70 stk) er sortert/registrert i.

Andre føretak i Helse Vest	2
Andre offentlege helseføretak	7
Anna	30
Ikkje helseretta verksemd	14
Offentleg/ privat ikkje helseretta verksemd	5
Primærhelseteneste	1
Privat ideell helseretta verksemd	3
Privat kommersiell helseretta verksemd	2
Privat legekantor m/allmennpraksis	1
Universitet/ høgskule	3
Verksemd med driftstilskot frå Helse Vest	2

I desse tala ligg også søknad for perioden som enno ikkje er godkjent/behandla.

Oppsummering

Rapportar viser ein liten auke i tal registrerte bierverv i 2018 samanlikna med 2017. Det blir i klinikkane sine leiargrupper informert om retningsliner for bierverv. HR-avdelinga vil halde fram rutinen med å sende årleg rapport med oversikt over bierverv i klinikk til leiar på nivå 2. Retningslinene knytt til bierverv vert vidareført. Det er ikkje kome tilbakemeldingar til Helse Førde frå riksrevisjonen i samband med kontrollen av helseføretaka si handtering av bierverv (januar 2017).